

**Qanoq iliorluta nunatsinni inuussutissarsiutigalugu piniartut qilalugartaasa neqaanik pisortat ingerlataasa atuinerusinnaanissaat qulakkeerneqarsinnaanersoq pillugu inatsisartut apeqqutaat**

**aallaavigalugu oqallisigisassaattut siunnersuut.?**

(Siumut Inatsisartunut ilaasortaaitai)

**Akissuteqaat**

(Nunalerinermut, Imminut Pilersornermut, Nukissiutinut Avatangiisinullu Naalackersuisoq)

**Siullermeerneqarnera**

Naalackersuisut sinnerlugit Siumut Inatsisartunut ilaasortaaitai apeqquteqaat aallaavigalugu oqallinnissamut matumunnga qutsavigerusuppakka.

Naalackersuisooqatigiinnissamut isumaqatigiisummi allassimavoq, Naalackersuisut imminut pilersornerup annertusinissaa anguniarlugu, pisortani sullissiviit piniartut tunisassiaannik atuinerulernissaannut aporfiiassagaat. Naalackersuisummi isumaqarput, sullissiviit suliffeqarfiillu tunisassianut kilometerit tuusintilikkaat assartorneqartartunut taarsiullugu najukkami tunisassianik toqqaasarnissaat ajornannginnerussasoq. Illoqarfiit nunaqarfiillu silatinnguanni inuussutissanut pitsaalluinnartumik peqqumaasiveqarpugut, inuussutissanut peqqumaasivik paarilluagassarpur atorluagassarpullu. Tunisassiat najukkameersut niuerniaraanni nassaarinissaat toqqarnissaallu ajornanngitsuusaaq.

Nunatsinni neqinik naatitanillu tunisassiorlut pitsaasunik atugassarititaasunut sinnaakkusiivigineqarsimanissaat qulakkiissavarput. Taamaalilluta kalaallit tunisassiaannik imminut pilersornerulersinnaaniassagatta. Imminut pilersornitta annertussusaa ukkatarissavarput, aalisarnerup, piniarnerup, nunalerinerup, uumasuuteqarnerup, naatitanik tunisassiornerup aamma mingutsitsinngitsumik nukissiornerup iluanni periarfissat ukkatarinerisigut.

Inuussutissanik nunatsinni maani pigisatsinnik ineriartortitsinissamut periarfissat atuinissamullu periarfissat suliaqarfiginissaat, Naalackersuisut pingaartippaat. Qilalukat neqaat pineqartillugit, kinguaariit tamarmik ileqqut malillugit atuinissamut periarfissat ilisimassagaat pingaartipparput. Ileqqugut paarilluassavagut, taamaakkaluartoq nutaamik eqqarsarnissamut aamma sapiissuseqassaagut – ileqqut malillugit nutaamik periaaseqarluta inuussutissat atorneqartarnissaannik ineriartortitsissaagut. Tamanna aamma isumaqarpoq, uumasut aalisartakkagut imaluunniit pisisarikkavut tamaasa atorluartarnissaat ukkatarissagipput.

Naalackersuisut nuna tamakkerlugu suliffeqarfiit sullissiviillu pisortanit pigineqartut tamaasa maligassiuisooqqullugit kaammattorusuppaat, ajornartinnagu eqqussukat pinnagit akerlinganiilli najukkaneersut inuussutissat atornissaat toqqartassagaat. Naalackersuisut peqatigisaanik suliffeqarfiit sullissiviillu pisortanit pigineqartut ilaannik apersuineq aallartinniarpaat, qilalukkanik inuussutissarsiutigalugu piniartut pisisartagaannik – imaluunniit allanit najukkami inuussutissanik tunisassiarineqartunik - atuinerunissamut tunngatillugu aporfiiit periarfissallu suut misigisarneraat paaserusullugu.

Aallussilluarnissaq akisussaaqataanissarlu qulakkeerniarlugit innuttaasut, kommunit aammalu inuussutissarsiortut qanimut suleqatiginissaat qilanaaraarput – peqatigiilluta nutaanik aaqqiissutissarsisinnaavugut, imminut pilersornitsinnik siuarsaasinnaasumik.

Taama Naalackersuisut oqaaseqarlutik pitsaasumik angusaqarfiusumillu oqallinnissaq qilanaarivaat.